

Wokovu Maandiko - Salvation Scriptures

**Waefeso 2:2 Wakati ule mliishi kufuatana na mtindo mbaya wa ulimwengu
huu, mkawa mnamtii mtawala wa pepo wenyewe nguvu wa anga, pepo
ambao huwatawala sasa watu wasiomtii Mungu.**

Matayo 6:10 Ufalme wako ufile. Utakalo lifanyike duniani kama mbinguni.

**Luka 22:42 "Baba, kama wapenda, ukiondoe kwangu kikombe hiki; hata
hivyo, mapenzi yako yatimizwe, wala siyo yangu."**

**Yohana 16:7-9 Lakini, nawaambieni ukweli: afadhali kwenu mimi niende
zangu, maana nisipokwenda Msaidizi hatakuja kwenu. Lakini nikienda,
basi, nitamtuma kwenu. 8 Naye atakapokuja atawathibitishia
walimwengu kwamba wamekosea kuhusu dhambi, uadilifu na hukumu ya
Mungu. 9 Wamekosea kuhusu dhambi kwa sababu hawaniamini;**

**2 Timotheo 2:10 na hivyo navumilia kila kitu kwa ajili ya wateule wa Mungu,
ili wao pia wapate ukombozi upatikanao kwa njia ya Yesu Kristo, na
ambao huleta utukufu wa milele.**

**Warumi 15:20,21 Nia yangu imekuwa daima kuihubiri Habari Njema popote
pale ambapo jina la Kristo halijapata kusikika, nisije nikajenga juu ya
msingi wa mtu mwingine. 21 Kama yasemavyo Maandiko Matakatifu:
"Watu wote ambao hawakuambiwa habari zote wataona; nao wale
ambao hawajapata kusikia, wataelewa."**

**Matendo Ya Mitume 2:36,37 "Watu wote wa Israeli wanapaswa kufahamu
kwa hakika kwamba huyo Yesu mliyemsulubisha ninyi, ndiye huyo
ambaye Mungu amemfanya kuwa Bwana na Kristo." 37 Basi, watu
waliposikia hayo, walichomwa moyo, wakawaauliza Petro na wale mitume
wenzake: "Ndugu zetu, tufanye nini?"**

**Waembrania 4:2 Maana Habari Njema imehubiriwa kwetu kama vile
ilivyohubiriwa kwa hao watu wa kale. Lakini ujumbe huo haukuwafaa
chochote, maana waliusikia lakini hawakuupokea kwa imani.**

**Yeremia 24:7 Nami nitawapa moyo, wanijue ya kuwa mimi ni Bwana; nao
watakuwa watu wangu, nami nitakuwa Mungu wao; kwa maana
watanirudia kwa moyo wao wote.**

**Matendo Ya Mitume 16:14 Miogoni mwa wale waliosikiliza alikuwa
mwanamke mmoja mcha Mungu aitwaye Ludia mwenyeji wa Thuatira,
ambaye alikuwa mfanyakiaresha ya nguo za kitani za rangi ya zambarau.
Bwana aliufungua moyo wake hata akayapokea yale maneno Paulo
aliyokuwa anasema.**

**Mattayo 13:14,15 Kwao yametimia yale aliyosema nabii Isaya: <Kusikia
mtasikia, lakini hamtaelewa; Kutazama mtatazama, lakini hamtaona. 5**

Maana akili za watu hawa zimepumbaa, wameyaziba masikio yao, wameyafumba macho yao. La sivyo, wangeona kwa macho yao. wangesikia kwa masikio yao, wangeelewa kwa akili zao, na kunigeukia, asema Bwana, nami ningewaponya.>

Isaya 6:9,10 Naye akaniambia, Enenda, ukawaambie watu hawa, Fulizeni kusikia, lakini msifahamu; fulizeni kutazama, lakini msione. 10 Uunoneshe moyo wa watu hawa, ukayatie uzito masikio yao, ukayafumbe macho yao; wasije wakaona kwa macho yao, na kusikia kwa masikio yao, na kufahamu kwa miyo yao, na kurejea na kuponywa.

1 Kings 18:37Marko 4:11,12 Naye akawaambia, "Ninyi mmejaliwa kujuu siri ya Utawala wa Mungu, lakini wale walio nje wataambiwa kila kitu kwa mifano, 12 ili, <Watazame kweli, lakini wasione. Wasikie kweli, lakini wasielewe. La sivyo, wangemgeukia Mungu, naye angewasamehe.">

Johana 12:39,40 Hivyo hawakuweza kuamini, kwani Isaya tena alisema: 40 "Mungu ameyapofusha macho yao, amezipumbaza akili zao; wasione kwa macho yao, wasielewe kwa akili zao; wala wasinigeukie, asema Bwana, ili nipate kuwaponya."

Warumi 11:7,8 Sasa, je? Watu wa Israeli hawakukipata kile walichokuwa wanakitafuta; lakini wote walioteuliwa walikipata. Wengine walipumbazwa, 8 kama yasemavyo Maandiko Matakatifu: "Mungu ameifanya miyo yao kuwa mizito, na mpaka leo hii hawawezi kuona kwa macho yao wala kusikia kwa masikio yao."

2 Thessalonians 2:10,11 na kutumia udanganyifu wa kila namna kwa wale walio katika mkumbo wa kupotea. Hao watapotea kwa sababu hawakuupokea na kuupenda ule ukweli ili waokolewe. 11 Ndiyo maana Mungu amewaweka chini ya nguvu ya upotovu, wauamini uongo.

Matato 13:18-23 "Basi, ninyi sikilizeni maana ya mfano huo wa mpanzi. 19 Yeyote asikiaye ujumbe wa ufalme bila kuuelewa, ni kama zile mbegu zilizoanguka njiani; yule Mwovu huja na kunyakua kile kilichopandwa moyoni mwake. 20 Ile mbegu iliyopandwa penye mawe ni mfano wa mtu asikiaye ujumbe huo na mara akaupokea kwa furaha. 21 Lakini haumwingii na kuwa na mizizi ndani yake; huendelea kuuzingatia ujumbe huo kwa kitambo tu, na wakati taabu au udhalimu vinapotokea kwa sababu ya ujumbe huo, anakata tamaa mara. 22 Ile mbegu iliyolanguka kati ya miti ya miiba, ni mfano wa mtu asikiaye huo ujumbe, lakini wasiwasu wa ulimwengu huu na anasa za mali huusonga ujumbe huo, naye hazai matunda. 23 Ile mbegu iliyopandwa katika udongo mzuri ni mfano wa mtu ausikiaye ujumbe huo na kuuelewa, naye huzaa matunda; mmoja mia, mwingine sitini na mwingine thelathini."

2 Wakorintho 3:15,16 Naam, mpaka hivi leo kila isomwapo Sheria ya Mose

akili zao huwa zimefunkwa. 16 Lakini, wakati mtu amgeukiapo Bwana, kifuniko hicho huondolewa.

Isaya 30:28 na pumzi yake ni kijito kifurikacho, kifikacho hata shingoni, kupepeta mataifa kwa ungo wa ubatili; na lijamu ikoseshayo itakuwa katika taya za watu.

Hosea 11:3-7 Lakini naliwfundisha Efraimu kwenda kwa miguu; naliwachukua mikononi mwangu; hawakujua ya kuwa naliwaponya. 4 Naliwavuta kwa kamba za kibinadamu, kwa mafungo ya upendo; nami nalikuwa kwao kama hao waondoao kongwa tayani mwao, nikaandika chakula mbele yao. 5 Hatarudi tena nchi ya Misri; bali huyo Mwashuri atakuwa mfalme wake; kwa sababu walikataa kurejea. 6 Na upanga utaiangukia miji yake, utayaharibu makomeo yake na kuyala, kwa sababu ya mashauri yao wenyewe. 7 Na watu wangu wamejipinda kuniacha; ingawa wawaita kwenda kwake Aliye juu, hapana hata mmoja atakayemtukuza.

Matendo Ya Mitume 26:18 Utayafumbua macho yao na kuwawezesha watoke gizani na kuingia katika mwanga; watoke katika utawala wa Shetani, wamgeukie Mungu; ili kwa kuamini, wapate kusamehewa dhambi na kuchukua nafasi yao kati ya wale ambao wamepata kuwa watu wa Mungu.>

2 Timotheo 2:24-26 Mtumishi wa Bwana asigombane. Anapaswa kuwa mpole kwa watu wote, mwalimu mwema na mvumilivu, 25 ambaye ni mpole anapowaonya wapinzani wake, kwani huenda Mungu akawajalia nafasi ya kutubu, wakapata kuujuu ukweli. 26 Hapo fahamu zao zitawarudia tena, wakaponyoka katika mtego wa Ibilisi aliyanasasa na kuwafanya wayatii matakwa yake.

Ufunua wa Yohana 3:17-19 Wewe unajisema, <Mimi ni tajiri; ninajitosheleza, sina haja ya kitu chochote.> Kumbe, hujui kwamba wewe ni mnyonge, unahitaji kuhurumiwa, maskini, kipofu tena uko uchi! 18 Nakushauri ununue kwangu dhahabu iliyosafishwa kwa moto upate kuwa tajiri kweli. Tena afadhali ununue pia vazi jeupe, uvae na kufunika aibu ya uchi wako. Nunua pia mafuta ukapake machoni pako upate kuona. 19 Mimi ndiye mwenye kumwonya na kumrudi yeyote ninayempenda. Kwa hiyo kaza moyo, achana na dhambi zako.

2 Wakorintho 7:10 Kuwa na huzuni jinsi atakavyo Mungu, husababisha badiliko la moyo, badiliko lenye kuleta wokovu; hivyo hakuna sababu ya kujuta. Lakini huzuni ya kidunia huleta kifo.

1 Wafalme 18:37 Unisikie, Ee Bwana, unisikie, ili watu hawa wajue ya kuwa wewe, Bwana, ndiwe Mungu, na ya kuwa wewe umewageuza moyo wakurudie.

**2 Wakorintho 4:4 Hao hawaamini kwa sababu yule mungu wa ulimwengu
huu amezitia giza akili zao wasipate kuuona wazi mwanga wa Habari
Njema ya utukufu wa Kristo, ambaye ni mfano kamili wa Mungu.**

**Luka 8:11-15 "Basi, maana ya mfano huu ni hii: mbegu ni neno la Mungu. 12
Zile zilizoanguka njiani zinaonyesha watu wale wanaosikia lile neno,
halafu Ibilisi akaja na kuliondoa miyoni mwao wasije wakaamini na
hivyo wakaokoka. 13 Zile zilizoanguka penye mawe zinaonyesha watu
wale ambao wanaposikia juu ya lile neno hulipokea kwa furaha. Hata
hivyo, kama zile mbegu, watu hao hawana mizizi maana husadiki kwa
kitambo tu, na wanapajaribiwa hukata tamaa. 14 Zile zilizoanguka
kwenye miti ya miiba ni watu wale wanaosikia lile neno, lakini muda si
muda, wanapokwenda zao, husongwa na wasiwasi, mali na anasa za
maisha, na hawazai matunda yakakomaa. 15 Na zile zilizoanguka
kwenye udongo mzuri ndio watu wale wanaolisikia lile neno,
wakalizingatia kwa moyo mwema na wa utii. Hao huvumilia mpaka
wakazaa matunda.**

**Matendo Ya Mitume 15:11 Isiwe hivyo, ila tunaamini kwamba, sisi kama vile
wao, tunaokolewa kwa njia ya neema ya Bwana Yesu."**

**Warumi 8:13 Kwa maana, kama mkiishi kufuatana na matakwa ya
maumbile ya kibinadamu, hakika mtakufa. Lakini, kama kwa njia ya Roho
mnayauua matendo yenu maovu, basi, mtaishi.**

**Pastor T. John Franklin
Church of Salvation, Healing, and Deliverance
COS-HAD.org**